

ዐሊ ኢብርሃም ወጀብሀት ነቅፈ

(6ይ ወናይ ደንጎበ ክፈል)



ዐብደልቃድር አሕመድ

እውይ! ትዘበጠው፡ ዲብ እምብል አስኮም ትባደርነ። ለከዝነት ምን ክፉፍ ዐሊ ምን ክትረተ ዘብጥ እንዴ ነጥረት ዲበ ዐልነ እተ አካን መጽአት። ምን ረኤከ ወዲ ስኞራ ወአድሐኖም እበ ሃብ ወጨቅጥ ናይለ ቅምብለት ምነ ዐሊ ለዐለ እተ እብ ናይ አምታር ሪም ዋድቃም ጸንሐውነ። ሐቆ መደት ምነ ዐለው እቱ ቅያብ ሰበት ፊገው ምነ ዋድቃም እተ ዐለው አካን ቀንጸው። ክልኢትነ ዲበ አካን ለዐልነ ጅማዐት ህዩ እግል ዐሊ እንዴ ቀረብነ ረኤናሁ። እብ ድንጋጽ እት ምግብ እሳት ዲብ ንትባረን እንዴ አቴነ አፍገርናሁ። ለእንጸብጡ እቡ ገሮብ ሕያይ ኢረከብነ እቱ። ገጹ ወጭገሩ እብ ሃብ ልሁፍ ዐለ። ለምን ስጋዱ ኢፈንትዮ ክሹክመ ናደት ዐለት። ሸክሉ ላኪን ህለ። ሐቆ ገሌ ካልኢት ምነ ዐለ እቱ ቅያብ ሸውዮ እግል ለሐሶሴ አምበተ። 'አብሸርኩም ደሐን ህሌኮ። ኣነ እዘሞ ምንዩ፡ እንቱም አተላሉ ሌጠ!' ቤለ። ሕናመ ለሓለቱ ወለቴለል ዲብ ነአትዋይን ዲበ አካነትነ ሰከክሕ እንዴ ገኣነ ተውው እምቤ። 'ወቀይኩም

ሰርግሎ፡ ክምሰል እሊ ትርኡዎ ለህሌክም ሐክርዬ ክቡድቱ። ኡብሽርኩም ኡተላሉ። ቴለል ክሉስ ህለ ‘ኡ...ኡ...ኡ ነፍሼ እግል እራቅብ ኡቀደርኮ ነበዐኮ ሌጠ። እብ ክቡድ ሕኩር ዲብ እንቱመ ዐሊ ምስል መዐነውዮቱ ወኤማኑቱ ለዐለ።” ቤለ ከ እንብዕ ወስርቤብ ወርሰዩ ጳውሎስ።

ምን ቅያስ ወለዐል ክቡድ ናይለ ዝክርያት ደቃይቅ ሐልፈ። ምነ ሽሙም እቱ ለዐለ ሰርቤብ ክምሰል ትሸበህ ኡተላለ ጳውሎስ፡ “ላብድ ኡስክ ሕክምነ እግል ንንሰኡ ሰበት ዐለ እግልነ፡ ኡዮብ ፍሰሃጼን ለልትበህል ምን ሀንደሰት ዐለ ምስልነ። ሸፈት እንዴ ወዴነ ረፍዐናሁ ወዲበ መኪነት ጸዐናሁ። ሙናድል ኡዮብ ህዬ ኡስክ ዕያደት እግል ለኡብጽሑ ምስሉ ልትበገስ። ለወክድ ለህይመ ለጥይራት ልሰዕ ሎሆብለ ወለክፈ ዐለዩ ፡” ልዘከር ጳውሎስ። ዕንታት ወዲ ሲኞራመ ዲብለ ኬልም ኡነት ለዐለ ቴለል ክምሰለ ዐለዩ ሰወረዩ። “ኡነ ግራሁ ሰበት ዐልኮ ለሃብ ዐሊ ኡብርሂም ምናድሊን እት መደት መደማር ናደው እዝ ዐሊ ኡርብሂም ወመለህዩ ሕዕርመት ዐሾርም ናይለ ቅምብለት ኡርበዕ-ሐምስ ምትር ለገብእ እንዴ ፊተተ ለክፊኒ። እተ ዶሉ ሓለቼ ሰበት ኡመርኮ ሐሶሴኮ። ለቅምብለት እት ረኡስ ዐሊ ኡብሪሂም ክምሰል ወድቀት ኡድሐኖምመ እበ ሃብ እንዴ ትለክፈ ገርቡ ክምሰል ተኡዘ ረኤኮ። ዲብ ዐሊ ክምሰል ቀረብኮ ሰኒ ተኡሰፍኮ። ክለ ለብጥረቱ ትከተፈት። እግሩ ይህለ ወእዴሁ፡ ደንገጽኮ፡ ‘ልትፈሌ ሕናመ ታርፋም ምኑ ወኡገኡነ’ ኡስክ እብል ገኡኮ። ሰኒ ግሄኮ። እስትሸሃድ ወሐክር ብዙሕ ርኡ ምንመ ኡነ ናይ ዐሊ ኡብሪሂም ላኪን ፍንቱይቱ።” “ምነ ዲብ ደንጎበ ለተሃገዩ ከሊማት ትዘከር ገብእ?” ዲብ እብል ትሰኡልኩዎ። “ዲብለ መደት ለህ ኡክል-ሕድ ክእነ ቤለ እግል ኡበል ይእቀድር - ዲብ ድንጋጽ ወገህይ ሽሙማም ሰበት ዐልነ። ላኪን ልትሃጌ ዐለ። ገርቡ ክምሰል ረኡ፡ ሐክሩ ሰኒ ክቡድ ክምቱ ክም ኡመረ፡ ‘ሐቴህ ደውኒ ክእነ እት ኡነ እግል እዋስል ይእቀድር፡ ካርጁኒ ከሸቅልኩም ኡተላሉ’ ለቤሌነ እፈቅድ። ቴለሉ ለለኡነብዕ ቱ። ኡሮ ነፈር ወህቱ ዐሊ ኡብሪሂም ክምሰልሁ ልብለክ ዲብ ህለ ክቡድ ቱ።

ሓለቱ ቴለልነ ኡቅዌተነ። ዩምክን ‘ዎይ ኡነ’ እንዴ እምቤ እብ ዐቢታይነ ኡበኬነ እንገብእ፡ እብ ገህይ ላኪን ሐረርነ ወነበዕነ። ኡስክ ሕክምነ ላብድ እግል ንንደኡ ዐለ እግልነ። ሕክምነ ዲብ ባካት ግዝግዝ ሰበት ዐለ እብ ሸፋግ መኪነት እንዴ ትላኬነ ኡስኩ ነድኡናሁ።” ሙናድል ግርማይመ እብ ሰበትለ ኡለህሰስ ትምሳል ናይለ ኡምዕል ለህ ክእነ ልብል፡- “ሸፈኅ ክምሰል ትበህልነ ሸንጠቼ እንዴ ጸበጥኮ ምስለ ልኡክ ሰዔነ ወዲበ ኡካን ክምሰል በጽሐነ እግል ኡሮ ነፈር ዲብ ሸፈት

እንዴ ወደው ዲብ ረፍዑዎ ዲብ ጠረፍ ዲብ ለአጸግዑዎ ጸንሐውን። ክምሰል ሐኪም ተጃርብ ዐስር ሰነት ምንመ ዐለ እዩ ክምሰል እሊ ሐክር እሊ ወከሀል ናይለ ሕኩር ላተ ኢረኤኮ። ለእሙር ሕብሩ ይዐለ፡ ገርቡ ክሉ እብለ ሕፉን ሃብ ባሽል ዐለ። ድገለባይት እግሩ እብ ቀጠናይ ስር ተሀንጦጥል ወደሙ ጀሕ ልብል ዐለ። ቃእድ ብርጌድን ወዲ ሲኞራ 'እግል አድሐኖም ስፈፎ እብ ሸፋግ ዐሊ ህዩ እብለ ቶዮተ አስክ ቅላመት ንሱኡዎ' ልብለኒ። አድሐኖም ለዐለ እቱ ናይ አፍ-ልብ ጅረሕ እብ ፕላሱቲክ እንዴ ዓሸበው፡ ምስለ ዐለት ሐረከት እግል ኢልትአዜ እንዴ ቤለው ምስልን እግል ሊጊስ አሰአለው። ' እግል ዐሊ ሌጠ አብጸሐ' እንዴ ቤለ አጽበሬኒ። ክሉ ልትቀደር ለእምቤሉ ጀረብነ። ረግእ ናይለ ልውሕዝ ለዐለ ደምመ ሰበት ሰዴን እደዩ ወእገሩ እንዴ ዓሸብነ እግል ንንሰኡ ዳሌን። ለመደት ዐሊ 'ማንጁስ እንዴ ቤለ ኦሮ ምን ክሊን ለነአሽ ነፈር ነቅመ። አፕሬተሩቱ መስለኒ እብ ሸፋግ ሸአገዩ። 'እግል አድሐኖም አድሂ እዩ፡ ' ቤለዩ። ወጀዕ መሪርቱ ናይ ዐሊ ኢብርሂም ላኪን ኢከምሰልሁ። 'ሃይ! ለትብል ዘዐት ክርን አፍገሮት ዔብተ ክምሰለ ትበሀለ ክርን ወጀዕ ኢሰምዐኮ ምኑ። ጥያራት ምን ሐዲስ ክምሰል ዶለለዎን ላኪን ዐሊ፡ ስምዐኒ ደቶር፡ አነ ሚ እግል ኢዴ እኩም ነስኡኒ ህሌኩም? ሕደጉኒ ጊሶ፡ አነ እግል እለክመኩም ቱ' ዲብ ልብል እብ ትሉሉይ ትፋኔን።

“ለወክድ እግል ንትነፈዕ፡ እበ ቶዮተ ትሻፈግን፡ አርወሕ ናይለ እግል አባያምን እብ ፈርሀት ወሸቀላት ልቦም ሸርፍ ለዐለ ድቁብ ሜርሓይን ዐሊ እብሪሂም እንዴ ጸበጥን ትሻፈግን...” ልብል ግርማይ። “ፒክ-አፕ ሚላኖ መኪነት፡ እግል ምስል ታመት ብጥረቱ ወጀላሉ እንዴ ጸዐነት አስክለ ሕሊል ለአብጸሐቱ ሙናድል ዐሊ ኢብሪሂም አስክ ሕክምን ብርጌድ እግል ነአብጽሐ ዲብ ቀበትለ ሕሊል እንዴ አቴት ዲብ ባካትለ መሓዝ ትጸገዐት” አተላለ ግርማይ። “ ዐሊ፡ ምን መኪነት እብ ካምል ገርቡ እብ እግሩ ክምሰል ኢትከረ ዲብ ሸፈት እንዴ ከማተትን ጸዐናሁ እተ። ደሙ ዲብ ዛሬ እብ ክቡድ ወጀዕ ልትረገስ ወለሃፍት ምንመ ዐለ፡ ለዕንታቱ ላኪን ልሰዕ ድጥራተን ለአቀምተ ዐለዩ። እብ ድማን ወድግለብ ለዐለ አድብር ጀብሀት ነቅፈ ልትሳረሐ ምኑ ለህለዩ እት መስለ ልሰዕ ለአትቃምተ ዐለዩ።” “ሐቆ እሊ ህዩ?” እት እብል ትሰአልኮ። በሊስ ናይ እሊ ሰአል እሊ ዲብ ኦሮ ነፈር መርሐኒ። እብ ገበይ ጳውሎስ እንዴ ወዴኮ ምስል ሙናድል ኢዮብ ፍሰሃዬን እንዴ ትዋጀህኮ ተሃጀክ ኮ። “ያቆብ፡ ዲብ ልትገምቤ እንዴ መጽአ እብ ሸፋግ በጣንዮት አምጽእ ልብለኒ። ዲብለ አነ ወሙሴ ጸብጣመ ለዐልን መኪነት፡ ሸፈት ዐለት። ለሸፈት እንዴ ጸበጥኮ ዲብ እስዔ ዐሬኩዎ። ምን ረኤኮ

ዐሊ ኢብሪሂም እብ ክቡድ እንዴ ጀረሐ፡ ድገለባይ ክፋል ገርቡ ይዐለ። ልባሱም እብ ሃብ ወደቅብለ ቅምብለት ይዐለ። አላት ከብዱ ተናን ጸሊም ሰተ።

ለ'ቺካሮቭ' ለጅንሱ ፈርዱ እብ እላት ዲብ ኩረት ትበደለ። ትንፋሱ ላኪን ዐለ፡ ልሰዕ ሴንግ ዐለ። ለወክድ አድሐኖም፡ 'ደሐን ህሌክ ዐሊ!' ልብሉ ናይ ቡቲክ ሰእየት፡ ' ጊሶ! አነ ግረ እለ ሚ እግል ኢዴ እኩምቱ? ሽቅልኩም አተላሉ።' ልብል። ኤማን ዐሊ ኢብሪሂም ቅያስ አለቡ። ዲብለ መደት ለሀ ወዲ ሲኞራ፡ ሐካይም ክቡድ ስለሕ ዲብለ ባካት (ግዝግዛ) ሰበት ዐለው አስኮም ሰዐው ልብለነ። ያቆብመ፡ 'በል እግል ዐሊ እንዴ ጸበጥካሁ ትገበስ፡ አስተሽሀደ ምንገብእ ላኪን እብ ምስጢር ጽቦጡ፡' ልብለኒ። አነ ወሰዋግ እንዴ ጸበጥናሁ ንትሀርብብ። 'ጥያራት ልሰዕ ለሆብል ህለ እንዴ ትበው እትለ ገብአት አካን እትብጠሮ፡ ጠዋሊ ዋስሎ፡ ወለ ልዝበጣኩም በስ ገበይኩም አተላሉ፡ " ንትበሀል። መኪነት እንዴ ሀረሰነ እብ ሸፋግ ንትፌተት። ጥያራት ለዐውል ዐለ። ምናተ ኢበጠርነ። ዲብ ባካት ግዝግዛ ክምሰል በጽሐነ ላኪን ክርን ዐሊ አክተመት። ዲብለ ባካት ሕክምነ ቦጦሎኒ ዐለ። ሐኪም ቦጦሎኒ ስተቴስኮፕ እንዴ ወደ ፈትሸ። ልብ ዐሊ ላኪን ዑሩፍ ዐለ። ክሉ ረአሱ እግል ንእመን እቀደርነ፡ እስትሸሃድ ዐሊ ኢብሪሂም ነአክድ። "ምን አመረ አስተሽሀደ ምንገብእ' ለትብል ልእከት ሰበት ዐለት ምስልነ እብ መኪነት ዲብ ኦሮ ወደግ ዐቢ ነአቴ። ምን አንፋር ክቡድ ስለሕ በዴለት እምጹእ ዐልኮ። ዲብ ድማናይ እንክር ናይለ ሕሊል፡ እብ ሐዲስ ምን አፍዐበት ለአጸአኩው ብላይ እንዴ ከፈናሁ ዲብለ ዱሊት ለዐለት ቤት አማኑ አቴናሁ። ዝክረት ሹሀደእ እንዴ ወዴነ ህዩ ደፈናሁ።" ልዘከር ሙናድል ኢዮብ። "ብዕድ ምነ ኢትትረሰዮ!" ክምሰል እቤሉ ህዩ፡ "ሐቴ ህሌት ለተአትፈክረኒ፡ ዲብ ድገለባይ እንክር ከሚሸቱ፡ ኦሮ ጂብ እበይኑ እንዴ ኢነድድ ተርፈ። ፈተሽናሁ ዲቡ ጀዋባት ዐለ። እንዴ አፍገርኮ ህዩ ሰለምኩው።" "ሐቆ እሊ ህዩ?" "ሐቆ እሊ ላተ፡ ግራነ ክሎም ስታፋት ደሀይ እግል ልድለው እብ ተማሞም ዐረውነ፡ ከረ ተክለ ማንጁስ፡ ጠዊል፡ አድሐኖም ኩሎም ዲብ ግዝግዛ ንትዋጀህ።" አሃ ክምሰል ቤለውነ፡ 'ዐሊ አስተሽሀደ'እምብሎም። "ሐቆሁ ላተ እስትሸሃድ ዐሊ ኢብሪሂም እምበል ናይ ቅሩብ ስታፋት ወመስኡሊን እግል ሙብዝሐ ሙናድል እግል ረዩም አውካድ እብ ምስጢር ቱ ስቱር ለዐለ። እስትሸሃዱ ረሰሚ እንዴ ትሸረሐ ዲብ እዝን ሙናድሊን ክምሰል በጽሐ ላኪን ገሀይ መሪር ወድንጋጽ ከልቀ። ክሉ ዲብ ህለ እተ አካን አድአመመ።፡ ተሕሪር አፍዐበት ህዩ ዐቢ ወፋሪ ፋርስ ጠልበ።" ***** ኮሎኔል ጋይም፡ "ዐሊ፡ ናደው እዝ ዲብ ደውሸሾት ዶር ዐቢ

ለአግደ፡ ረዱም ለናደለ እተ ጀብሀት ነቅፈ እስተሸሃዱ፡ ሐላል እስተሸሃድ ቱ፡”
ለቤለዩ ፈቀድኮ። እለን ዝዖታት እለን አተላሌኮ እግል ሙናድል ወዲ ሐወልቲ፡
“ዐሊ ኢብሪሂም ትሰምዕ እት ህሌከ ሚ ልትካየል እከ?” ክምሰል ትሰአልኩዎ፡
“ስሜት ዐሊ ኢብሪሂም እሰምዕ እት ህሌኮ፡ ጀብሀት ነቅፈ ትትረኤኒ!” እንዴ
ቤለ ለበልሰዩ እዩ በሊስ ፈቀድኮ። ለተትዐጅብ መናሰበት ተ። ዐሊ፡ ጀብሀት
ነቅፈ ምን ትትአሰስ እንዴ አምበተ እግል መደት ዐስር ሰነት ምን ጀብሀት እንዴ
ኢልትፈንቴ ናደለ። ጀብሀት ነቅፈ ሐቴ ዶል እግል ዲመ እግል ትደውሸሽ፡
ባብ ታሪክ ደብእ እት ህሌት ህዩ፡ ዐሊ ውቅል መቅደረት ወሳፍየት ማርሒት
ዐስከርየት ለአርአ እቱ ወቀይ እንዴ ሰርገለ እብ ፈራሰት ወኤማን እግል ዲመ
ትሳረሐ ምን፡ አስተሸሀደ። አይወ ዐሊ አብርሂ ወጀብሀት ነቅፈ ትፈናተው። ህተ
ምን መግዘም እስተዕማር አባሬት ወዐሊ አስክ ቤት አማኑ ሳፈረ።

ኤረትርዩ ሓዳስ